

醫學啓蒙彙編

卷之一

序

問人於何生生於五行

五行性多克制人生其

間喜怒哀樂不皆中和

而病生焉病生於人之

心不盡由於寒暑燥濕

飲食也天之愛人甚矣

天產養陽地產養陰陰

陽亦不能無病又為之

藥石以治之所謂惟其

病病是以不病也然之

死而生之之生而死之

造造藥以治病而藥即  
為病葢術無功其權在

人於是復生倉公扁鵲

諸君子而名醫始重於

世有熊氏之有天下也

律呂冕裳甲子蓋天每

一事止設一官獨於治

病一法分為數家咨命

岐伯俞跗雷公巫彭桐  
君若而人重民命也後  
世醫家者流不察先聖  
所以重民命之意又不

察民命所以不能自重  
而待重於一二濟世利  
物之人之理或自作聰  
明驚世駭俗盛名之下

人不敢非是謂不法  
法又或棄高曾之桀  
黷寶流俗之瞽方  
自矜秘傳執迷不  
悟是謂法不法

不法法則法亂法不法  
則法亡是鵠不在鳥砒  
不在石野芋堇葛不在  
草而在時流三指間不

亦殆哉玉華翟先生有  
憂之於是乎集衆著之  
理成一家之言期以藏  
之名山傳之其人而前

乎此後乎此之生於寸  
管下者不可勝數先生  
於書無不讀而殫精疲  
形以徇之者惟醫於醫

書無不著述而探其精  
微括為詩歌俾人開卷

瞭然者在啓蒙啓蒙山

下泉云爾由是而之焉

此其道如用兵然合乎  
風雲倅乎神鬼離朱之  
明未之見孫吳之術未  
之測也此其道如治民

狀扶其正無不理祛其  
邪無不服勿以粱肉攻

疾勿以藥石供養神明

變化存乎其人通乎此

者可與言醫學之大成  
矣後之讀是書者以為  
養生主可以為參同契  
可粗而粗之博施濟衆

精而精之服氣歸元勿  
以啓蒙視先生書可也  
是為序

晉